

PKR sokong SPRM diberi kuasa pendakwaan penuh
Malaysian Insider
Aug 21 , 2013
OLEH DIYANA IBRAHIM

PKR menyokong Suruhanjaya Pencegahan Rasuah Malaysia (SPRM) diberi kuasa penuh pendakwaan dalam usaha mencegah rasuah dinegara ini terutama dikalangan pemimpin negara kata Nurul Izzah Anwar (gambar).

Menurut naib presiden PKR itu, cadangan tersebut dinyatakan memandangkan butiran siasatan kes rasuah yang dijalankan SPRM sebelum ini sangat kabur dan tidak diketahui umum.

"Sebelum ini kita tidak tahu berapa kes yang sedang disiasat, berapa kes yang dibawa ke mahkamah, namun dengan adanya kuasa penuh pendakwaan SPRM ini kita yakin pihak mereka dapat menjalankan tugas lebih efektif dalam mencegah rasuah," kata Ahli Parlimen Lembah Pantai itu kepada wartawan selepas pertemuan tertutup pemimpin PKR dan SPRM di Bangunan SPRM, Kuala Lumpur.

Antara lain yang lain turut dibincangkan adalah cadangan SPRM untuk meminda Seksyen 23, Akta Suruhanjaya Pencegahan Rasuah Malaysia agar setiap menteri dan ahli keluarga mereka yang mendapat habuan atau projek kerajaan boleh diambil tindakan

"Kita bersedia bekerjasama dengan SPRM, kita menyambut baik usaha SPRM pada masa sama kita memantau dan tidak takut mendedahkan penyelewangan kepada SPRM, kerana skop rasuah SPRM dinegara ini berbeza dengan negara luar.

"Ada beberapa isu yang turut dibincangkan dalam pertemuan tersebut yang tidak dapat di beritahu sekarang namun kita akan berusaha untuk memperjuangkan isu ini," kata beliau.

Menurut Nurul Izzah, SPRM memberikan reaksi positif dan mahu politik wang dihentikan di pihak Barisan Nasional (BN) mahupun Pakatan Rakyat (PR).

"Kita anjurkan tindakan kepada Lembaga Hasil Dalam Negeri, Kastam, Suruhanjaya Pilihan Raya dan memandangkan pemilihan parti akan berlansung tidak lagi berharap pihak SPRM dapat mengekang politik wang," katanya. - 21 Ogos, 2013.

Hakcipta © 2013 The Malaysian Insider

Source:

<http://www.themalaysianinsider.com/bahasa/article/pkr-sokong-sprm-diberi-kuasa-pendakwaan-penuh>